

**2023 ilaatillugu aallarnerfigalugulu Ittoqqortoormiini aamma Tasiilami
aqutsiveqarfinni qilalukkanut qaqortanut pisassiissutinik atuutilersitsinissaat pillugu
Naalakkersuisut peqqusiffigineqarnissaannut Inatsisartunit aalajangiiffigisassatut
siunnersuut**

Jens NapātōK', Naleraq saqqummiunneqartoq

aamma

**Naalakkersuisut ukioq 2023-mut qilalukkanik qaqortanik 15-inik aqutsiveqarfimmut
Tasiilamut pisasseeqqullugit peqqunneqarnissaannik Inatsisartut
aalajangiiffigisassaattut siunnersuut**

Mala Høy Kúko, Siumut saqqummiunneqartoq

pillugit

**Aalisarnermut, Piniarnermut Nunalerinermullu Ataatsimiititaliap
siunnersuutit aappassaaneerpeqarnerannut**

ISUMALIUTISSIISSUTAA

Ataatsimiititaliap suliamik suliarinninnermini ilaasortarai:

Inatsisartunut ilaasortaq Hans Aronsen, Inuit Ataqtigiit, siulittaasoq
Inatsisartunut ilaasortaq Jens-Frederik Nielsen, Demokraatit, siulittaasup tullia
Inatsisartunut ilaasortaq Agathe Fontain, Inuit Ataqtigiit
Inatsisartunut ilaasortaq Adam Kristensen, Inuit Ataqtigiit
Inatsisartunut ilaasortaq Jens Kristian Therkelsen, Siumut
Inatsisartunut ilaasortaq Lars Poulsen, Siumut
Inatsisartunut ilaasortaq Hans Enoksen, Naleraq

UKA2022-mi ulloq 18. oktober siullermeerinninnerup kingorna siunnersuutit
ataatsimiititaliamit misissorneqarput.

1. Siunnersuutit imarisaat siunertaallu

1.1. UKA2022/54

Aqutsiveqarfinni Ittoqqortoormiini Tasiilamilu qilalukkanik qaortanik pisassiissutinik atuutilersitsinissaq imm. 54-imi siunnersuuteqartup kissaatigaa. Ukioq 2023 aallarnefigalugu qilalukkanik qaortanik pisassiissutinik Naalackersuisut atuutilersitsissapput. Pisassiissutinik atuutilersitsinissamut qilalukkat qaortat naammattumik amerlassuseqartut siunnersuuteqartoq isumaqarpoq.

1.2. UKA2022/64

Aqutsiveqarfik Tasiilami ukioq 2023-mut qilalukkanik qaortanik 15-inik pisassiissuteqarnissaq imm. 64-mi siunnersuuteqartup kissaatigaa.

2. Siunnersuutit Inatsisartunit siullermeerneqarneri

Imm. 54-ip aamma imm. 64-ip siullermeerneqarneranni Naalackersuisut allannguutissatut imaattumik siunnersuuteqarput:

”Inatsisartut aalajangigassaattut siunnersuut, Naalackersuisut piffissami 2023-2027 aqutsiveqarfinni Ittoqqortoormiit aamma Tasiilaq teknikikkut pisassiisoqarnissaannik peqquneqarnissaat”.

Allannguutissatut siunnersuut siullermeerinninnermi saqummiunneqartoq amerlanerussuteqartunit taperserneqarpoq.

3. Ataatsimiititaliap siunnersuutinik suliarinninnera

Naalackersuisut allannguutissatut siunnersuutaat imaattoq ataatsimiititaliamit matuma kinguliani isummerfigineqassaaq:

” Inatsisartut aalajangigassaattut siunnersuut, Naalackersuisut piffissami 2023-2027 aqutsiveqarfinni Ittoqqortoormiit aamma Tasiilaq teknikikkut pisassiisoqarnissaannik peqquneqarnissaat”.

Ukiuni 2023-2027 qilalukkanik qaortanik amerlanerpaaffissaat killilerlugit Tunumi piffinni teknikikkut pisassiisoqarallarnissaa Naalackersuisut kissaatigaa. Taamatut teknikikkut pisassiinissamut pingaarnertut pissutaavoq peqassutsip annertussusiata suminggaanneerfillu nalornissutigineqarmata. Allannguutissatut siunnersuummut atatillugu Pinngortitaleriffik attavigineqarsimasooq Naalackersuisut paasissutissiissutigaa, tassanngalu ilaatigut tikkuarpaat, *“Tunumi qilalukkanik qaortanik naliliinissamut paasissutissanik naammattunik peqannginnera”.* Tassunga atatillugu Pinngortitaleriffiup erseqqissarpaa piniartut oqaloqatigisamik Tunumi ikittuinnarnik qilalugaqarnera oqariartuutigimmassuk.

4. Siunnersuutip aningaasaqarnikkut kingunerisassai

Inatsisartut suleriaasianni § 33, imm. 1-imi allassimavoq aalajangiiffissatut siunnersuutip piviusunngortinnerani aningaasaqarnikkut allaffissornikkullu kingunerisassaat siunnersuutip tunngavilersuutaani allaaserineqassasut.

Imm. 54-imut aamma imm. 64-imut tunngatillugu siunnersuutit piviusunngortinneqarneranni aningaasatigut kingunerisassat siunnersuutini nalunaarneqarsimasut ataatsimiititaliamit maluginiarneqarpoq.

Siunnersuutit piviusunngortinneqarnerat namminersorlutik inuussutissarsiortunut innuttaasunulluunniit aningaasaqarnikkut allaffissornikkullu kinguneqassanngitsoq nalilerneqarpoq.

Naalakkersuisut allannguutissatut siunnersuutaanni aningaasaqarnikkut kingunerisassat allassimanngillat. Taamaalilluni ataatsimiititaliap nalilerpaa allannguutissatut siunnersuummi aningaasartuuteqarnerulernaviannngitsoq.

5. Ataatsimiititaliap inassuteqaatai


Naalakkersuisut allannguutissatut siunnersuutaat ataatsimiititaliap isumaqatigittup akuerisassanngortippaat.

31.10.2022


UKA2022/ 54

UKA2022/ 64

Taama oqaaseqarluni isumaliutissiisummilu allasimasutut paasinnilluni ataatsimiititaliap siunnersuut aappasaaniigassanngortippaa.




Hans Aronsen
Siulittaasoq



Jens-Frederik Nielsen
Siulittaasup tullia



Adam Kristensen



Lars Poulsen



Agathe Fontain



Jens Kristian Therkelsen



Hans Enoksen